



Republika e Kosovës-Republika Kosova-Republic of Kosovo

KËSHILLI GJYQËSOR I KOSOVËS/SUDSKI SAVET KOSOVA /KOSOVO JUDICIAL COUNCIL

SHKOLLA E MESME EKONOMIKE JURIDIKE „HOXHË KADRI PRISHTINA”

Me këtë memorandum të mirëkuptimit (më tutje: memorandum), Këshilli Gjyqësor i Kosovës përfaqësuar nga z. Enver Peci, kryesues, dhe Shkolla e Mesme Ekonomike-Juridike „Hoxhë Kadri Prishtina” në Prishtinë, përfaqësuar nga Jahë Sahiti, Drejtor i shkollës, me qëllim të vendosjes së bashkëpunimit të ndërsjellë në sferën e mësimit teorik dhe praktik të nxënësve dhe në përputhje me ligjet e aplikueshme në Kosovë, përfaqësuesit e lartshënuar të dy institucioneve, më datën 05 mars 2014 lidhin këtë

Memorandum Mirëkuptimi

në mes të

Këshilli Gjyqësor të Kosovës (KGJK)

Dhe

Shkolla e Mesme Ekonomike-Juridike „Hoxhë Kadri Prishtina”

Neni 1

Qëllimi

Qëllimi i këtij memorandumi është lehtësimi dhe organizimi i qasjes së nxënësve të Shkollës së Mesme Ekonomike-Juridike Hoxhë Kadri Prishtina” në Prishtinë në Gjykatën Themelore në Prishtinë për avancim të njohurisë praktike së tyre për çështjet juridiko-gjyqësore.

Neni 2

Obligimet e Gjykatave

Gjykata zotohet se do t’iu mundësohet përcjellja e gjykimeve të ndryshme nxënësve të Shkollës së Mesme Ekonomike-Juridike Juridike Hoxhë Kadri Prishtina në gjykatë me përjashtim të atyre gjykimeve, të cilat sipas ligjit në fuqi nuk lejohet pjesëmarrja e publikut.

Gjykata zotohet të caktoj dy gjyqtarë në lëmin civil dhe dy gjyqtarë në lëmin penal, të cilët do të koordinojnë aktivitetet e nxënësve në gjykatë si për shembull simulimet e gjykimeve, funksionimi i Zyrës Qendrore, pjesëmarrja në seancë gjyqësore, etj.

Gjykata zotohet se do të organizohen ngjarjet në ditët e caktuara: "Ditën e Drejtësisë" (16 janar), "Ditën e Kushtetutës" (9 prill) dhe "Ditën Evropian e Drejtësisë" (25 tetor).

Neni 3 **Obligimet e Shkollës**

Shkolla zotohet të organizojë orarin e vizitave të nxënësve në gjykatë në mënyrë që të gjithë nxënësit të mund të kenë qasje sipas interesave të tyre.

Shkolla zotohet se do ta njoftojë gjykatën mbi orarin e vizitave dhe listën e nxënësve së paku një (1) muaj më herët,

Shkolla zotohet të koordinojë punën me gjyqtarë të cilët janë caktuar si koordinator për të garantuar se puna e nxënësve në gjykatë vlerësohet dhe konsiderohet si pjesë e mësimin të tyre.

Neni 4 **Amandamentimet**

Çfarëdo ndryshimi në përbërje, synime, objektiva, veprimtari apo afate do të marrë miratimin e ndërsjellë të të gjitha palët nënshkruese.

Palët do të përpiqen që të gjitha mosmarrëveshjet të i zgjidhin në bazën e mirëkuptimit të përbashkët dhe në partneritet sa i përket objektit të këtij memorandumi.

Neni 5 **Zgjidhja e konflikteve**

Në rast të konfliktit në interpretim të këtij memorandumi, Këshilli Gjyqësor i Kosovës është kompetent për zgjidhjen e konfliktit, respektivisht interpretimin e këtij memorandumi.


Neni 6 **Nënshkrimi i Memorandumit**

Ku Memorandumi përpilohet dhe nënshkruhet në tre (3) kopje identike, nga të cilat secila palë mban nga një (1) ekzemplar, dhe një ekzemplar i dorëzohet Sekretariatit të Këshillit Gjyqësor të Kosovës.

Neni 7
Hyrja në fuqi


Ky memorandum mirëkuptimi hyn në fuqi me nënshkrimin e të gjitha palëve nënshkruese dhe vlen deri në momentin e shkëputjes së tij me pajtimin e palëve ose në mënyrë të njëanshme nga cilado palë nënshkruese me paralajmërim prej tridhjetë (30) ditëve.

Me pajtim të plotë, palët nënshkruese, përmes përfaqësuesve të tyre të autorizuar, e nënshkruajnë këtë memorandum mirëkuptimi me 05 mars 2014.



Këshilli Gjyqësor i Kosovës

Enver Peci, Kryesues



Shkolla e Mesme Ekonomike-Juridike
Shkolla e Mesme Profesionale
Jahë Sahiti, Drejtor